



博物志  
序



博物志卷第六

晉

司空

張華茂先撰

汝

南

周日用等注

○人名攷

昔彼高陽是生伯鯀布土取帝之息壤以填洪水

殷三仁微子箕子比干

文王四友南宮括散宜生閔夭太顛仲尼四友  
顏淵子貢子路子張

曹參字敬伯

蔡伯喈母袁公妹曜鄉姑也

古之善射者甘蠅蠅之弟子曰飛衛

平原管輅善卜筮鮮鳥語

蔡邕有書萬卷漢末年載數車與王粲粲亡後相國掾魏諷謀友粲子與焉阮被誅邕所與粲書悉入粲族子葉字長緒即正宗父正宗即輔嗣兄也初粲與族兄凱避地荊州依劉表表有女表愛粲才欲以妻之嫌其形陋周率乃謂曰君才過人而體陋躁非女聲才凱

有風貌乃妻凱生葉即女所生

大江長陳寔寔子鴻臚卿紀紀子司空群群子泰四世於漢魏今朝有重名而其德漸小減故時人為其語曰公慙卿卿慙長

○文籍攷

聖人制作曰經賢者著述曰傳鄭玄注毛詩曰箋不鮮此意或云毛公嘗為北海郡守玄是北郡人故以為敬

何休注公羊傳云何氏學又不能解者或答云休謙詞受學於師乃宣此義不出於已此言

為允

太古書今見存有神農經山海經或云禹所作

周易蔡邕云禮記月令周公作周日用禮

是呂不韋春秋明呂氏所制蔡邕云周公未之詳也

謚法司馬法周公所作

余友下邳陳德龍謂余言曰靈光殿賦溥為且

城王子山所作子山嘗之泰山從鮑子真學

筭過魯國而都殿賦之還歸本州溺死湘水

時年二十餘也

○地理攷

周自后稷至于文武皆都關中號為宗周秦為

阿房殿在長安西南二十里殿東西千步南

北三百步上可以坐萬人庭中受十萬人二

世為趙高所殺於宜春宮在杜城南三里葬

於旁

周時德澤盛蒿大以為宮柱名曰蒿宮

姜厚嗣祠在墉城長安西南三十里

盜跖冢在太陽縣西

趙鞅冢在臨水縣界

始皇陵在驪山之北高數十丈周迴六七里今

在陰盤縣界北陵雖高大不足以銷六丈水  
背陵鄣水東西流又此山各運取大石於渭  
北渚故歌曰運石甘泉口渭水為不流千人  
唱萬人鈎金陵餘石大如堰土屋其銷功力  
皆如此類盧氏曰秦氏奢侈自知葬用珍寶  
則難上固則難攻項羽爭衡  
之時發其陵未詳其至棺否  
舊洛陽字作水邊各火行也忌水故去水而加  
往又魏於行次為土水得土而流土得水而  
柔故復往加水變雒為洛焉  
洞庭君山帝之二女居之曰湘夫人又荊州圖

經曰湘君所遊故曰君山

南荆賦江陵有臺甚大而有一柱象木皆拱之

○典禮攷

三讓一曰讓禮二曰固讓三曰終讓

漢丞秦群臣上書皆曰昧死言

王莽盜仿慕古法昧死曰稽首光武因而不改

肉刑明王之制荀卿每論之至漢文帝感太倉

公女之言而廢之班固著論宜復迄漢末魏

初陳紀又論宜申古制孔融云不可復欲申

之鍾繇王朗不同遂寢夏侯玄李勝曹羲丁

謚建私議各有彼此多端時未可復故遂追焉

上公備物九錫一大輅各一玄牡二駟二裘冕之服赤舄副之三軒懸之樂六佾之舞四朱戶以居五納陛以登六虎賁之士三百人七鈇鉞各一八彤弓一彤矢百茲弓十茲矢千九秬鬯一卣珪瓚副之

○樂攷

漢末喪亂無盆石之樂魏武帝至漢中得朴夔舊法始後設軒懸鍾磬至於今用之於夔也

○服飾攷

漢末喪亂絕無玉佩始復作之今之玉佩受於王粲

古者男子皆絲衣有故乃素服又有冠無幘故雖凶事皆著冠也

漢中興士人皆冠葛巾建安中

魏武帝造白帟於是遂廢唯二學書生猶著也

○器名攷

寶劍名鈍鈎湛盧豪曹魚腸巨闕五劍皆歐冶子所作龍泉太阿上市三劍皆楚石玉者作

風胡子因吳請干將，歐冶子作干將、陽龍、文莫、邪、陰、漫、理、此二劍。吳王使干將作莫邪。干將妻也，夫妻甚喜，作劍也。

赤刀，周之寶器也。

○物名攷

古駿馬有飛兔、腰裏。

周穆王八駿：赤驥、飛黃、白蟻、華騮。

騶耳、騶駼、渠黃、盜驪。

唐公有驩驢。

項羽有騅，調赤兔，皆後，來有流影也。而呂。

周穆王有犬名耗，毛白。

晉靈公有畜狗名獒。

韓國有黑犬名盧。

宋有駿犬曰龍。

犬四尺為獒。

張騫使西域，還乃得胡桃種。

徐州人謂塵土為蓬塊，吳人謂跋跌。

博物志卷之六

博物志卷第七

晉司空張華茂先撰

汝南周日用等注

○異聞

昔夏禹觀河見長人魚身出曰吾河精豈河伯也

馮夷華陰潼鄉人也得仙道化為河伯豈道同哉仙夷乘龍虎水神乘魚龍其行恍惚萬里如室

夏桀之時為長夜宮於深谷之中男女雜處十



旬不出聽政天乃大風揚沙一夕填此宮谷  
又云石室瑤臺關龍逢諫桀言曰吾之有民  
如天之有日月亡我則亡以為龍逢妖言而  
殺之其後山復於谷下乃在上者老相與諫  
桀又以為妖言而殺之

夏桀之時費昌之河上見二日在東者爛爛將  
起在西者沉沉將滅若疾雷之聲昌問於馮  
夷曰何者為殷何者為夏馮夷曰西夏東殷  
於是費昌徙疾歸殷

武王伐紂至盟津渡河大風波武王操戈秉麾

麾之風波立霽

魯陽公與韓戰酣而日暮授戈麾之日日反三  
舍

太公為灌壇令武王夢婦人當道夜哭問之曰  
吾是東海神女嫁於西海神童今灌壇令當  
道廢我行我行必有<sub>レ</sub>大風雨而太公有德吾  
不敢以暴風雨過是毀君德武王明日召太  
公三日三夜果有疾風暴雨從太公邑外過  
晉文公出大蛇當道如拱文公反修德使吏守  
蛇吏夢天殺蛇曰何故當聖君道覺而視蛇

則自死也

齊景公伐宋過泰山夢二人怒公謂太公之神晏子謂宋栢湯與伊尹也為言其狀湯瞽容多髮伊尹黑而短即所夢也景公進軍不聽軍鼓毀公怒散軍伐宋

徐偃王志云徐君宮人娠而生卵以為不祥棄之水濱獨孤母有大名鵠蒼獵於水濱得所棄卵啣以東歸獨孤母以為異覆煖之遂蠕成兒生時正偃故以為名徐君宮中聞之乃更錄取長而仁智襲君徐國後鵠蒼臨死生

角而九尾實黃龍也偃王又葬之徐界中今見狗襲偃王既其國仁義著聞欲舟行上國乃通溝陳蔡之間得朱弓矢以已得禾瑞遂因名為弓自稱徐偃王江淮諸侯皆伏從伏從者三十六國周王聞遣使乘駟一日至楚使伐之偃王不忍聞言其民為楚所敗逃走彭城武原縣東山下百姓隨之者以萬數後遂名其山為徐山山上立石室有神靈民人祈禱今皆見存

海水西夸父與日相逐走渴飲水河謂不足北方

飲大澤未至渴而死棄其策杖化為鄧林澹臺子羽渡河齎千金之璧于河河伯欲之至陽侯波起兩蛟挾船子羽左操璧右操劍擊鮫皆死既渡三投璧于河伯河伯躍而歸之子羽毀而去

荆軻字次非渡鮫夾船次非不奏斷其頭而風

波靜除

周日用曰余嘗行經荆將軍墓與羊角哀冢鄰若安伯施云為荆將軍所伐乃在此也其地在苑陵之源求見其墓碑將軍名乃作次飛字也

東阿王勇士有蕃丘訢過神淵使飲馬馬衣莞朝服拔劍二日一夜殺二蛟一龍而出雷隨

擊之十古夜眇其左目

漢滕公薨求葬東都門外公卿送喪駟馬不行

跼地悲鳴跑蹄下地得石有銘曰佳城鬱鬱

三千年見白日吁嗟滕公居此室遂葬焉

衛靈公葬得石擲銘曰不逢箕子靈公奪我里

漢西都時南宮寢殿內有醇儒王史威長死葬

銘曰明明哲士知存知亡崇隴原豐非寧非

康不封不樹作靈乘光厥銘何依王史威長

元始元年中謁者沛郡史岑上書訟王宏奪董

賢璽綬之功靈帝和光元年遼西太守黃翻

物志卷世  
上言海邊有流屍露冠絳衣體貌完全使翻  
感夢云我伯夷之弟孤竹君也海水壞吾棺  
槨求見掩藏民有襁褓視皆無疾而卒

漢末關中大亂有發前漢時冢者人猶活既出  
平復如舊魏郭后愛念之錄著宮內常置左  
右問漢時宮中事說之了了皆有次序后崩  
哭泣過禮遂死焉

漢末發范友明冢奴猶活友明霍光女聳說光  
家事廢立之際多與漢書相似此奴常遊走  
於民間無止住處今不知所在或云尚在余

聞之於人可信而目不可見也

大司馬曹休所統中郎謝璋部曲義兵奚儂息  
女年四歲病役故埋葬五日復生大和三年  
詔令休使父母同時送女來視其年四月三  
日病死四日埋葬至八月同壙入採桑聞鬼  
生活今能飲食如常

京兆都張潛客居遼東還後為駙馬都尉關內  
侯表言故為諸生太學時聞故太尉常山張  
顯為梁相天新雨後有鳥如山鵲飛翔近地  
市人擲之稍下墮民爭取之即為一負石言

縣府顯令搥破之得一金印文曰忠孝侯印  
顯表上之藏於官庫後議郎汝南樊行夷校  
書東觀表上言堯舜之時舊有此官今天降  
印宜可復置

孝武建元四年天雨粟孝元景寧元年南陽陽  
郡雨穀小者如黍粟而青黑味苦大者如大  
豆赤黃味如麥下三日生根葉狀如大豆初  
生時也

代城始築立板幹一旦亡西南四五十板於澤  
中自立結草為外門因就營築焉故其城直

周三十七里為九門故城處為東城

博物志卷第七

博物志卷第八

晉司空張華茂先撰

汝南周日用等注

○史補

黃帝登仙其臣左徹者削木象黃帝帥諸侯以  
 朝之七年不還左徹乃立顓頊左徹亦仙去也  
 堯之二女舜之二妃曰湘夫人舜崩二妃啼以  
 淚揮竹竹盡班  
 處士東鬼塊責禹亂天下事禹退作三章強者  
 攻弱者守敵戰城郭蓋禹始也

太姒夢見商之庭產棘乃小子發取周庭梓樹  
樹之于闕其梓化為松柏榦柞覺驚以告文  
王文王曰慎勿言冬日之陽夏日之餘不召  
而萬物自來天道尚左日月西移地道尚右  
水潦東流天不享於殷自發之生于今年  
禹羊在牧水潦東流天下飛鴻滿野日之出  
地無移照乎

武王伐殷舍於幾逢大雨焉衰輿三百乘甲三  
千一日一夜行三百里以戰于牧野  
成王冠周公使祝雍曰辭達而勿多也祝雍曰

近於民遠於侯近於義齋於時惠於財任賢  
使能陛下擢顯先帝光耀以奉皇天之嘉祿  
欽順仲壹之言曰遵並大道郊域康阜萬國  
之休靈始明元服推遠童稚之幼志弘積文  
武之就德肅勤高祖之清廟六合之內靡不  
蒙德歲歲與天無極右孝昭用成王冠辭  
止雨祝曰天生五穀以養人氏今天雨不止用  
傷五穀如何如何靈而不幸殺牲以賽神靈  
雨則不止鳴鼓攻之朱綠繩繫而脅之  
請雨曰皇皇上天照臨下土集地之靈神降甘

雨庶物群生咸得其所

禮記曰孔子少孤不知其父墓母亡問於鄒曼

父之母乃合葬於防防墓又崩門人後至孔

子問來何遲門人實對孔子不應如是者三乃

潛然流涕而止曰古不脩墓蔣濟何晏夏侯

玄王肅皆云無此事注記者謬時賢咸從之

周曰用曰四土言無者後有何理而述之在愚所見實未之有矣且嶽在與梁統野合而生事多隱之况我丘生而父死既隱何以知之非問曼父之母安得合葬於防也

孔子東遊見二小兒辯鬪問其故一小兒曰我以日始出時去人近而日中時遠也一小兒

曰以日出而遠而日中時近一小兒曰日初

出時大如車蓋及日中時如盤盂此不為遠

者小而大者近乎一小兒曰日初出滄滄涼

涼及其中而探湯此不為近者熱而遠者涼

乎孔子不能決矣兩小兒曰孰謂汝多知乎

亦出列子也譬猶火氣直上而與旁暑其炎

陳可悉耳足明初出近而當中遠矣豈聖人青對乎

子路與子貢過鄭神社社樹有烏神牽率子路

子貢說之乃止

春秋哀公十有四年春西狩獲麟公羊傳曰有



以告者孔子曰孰為來哉孰謂來哉盧曰以

應故孔子泣而感之麟曰  
生三策蓋天使報聖人

左傳曰叔孫氏之車子鉏商獲麟以為不祥

燕太子丹質於秦秦王遇之無禮不得意思欲

歸請於秦王王不聽謬言曰令烏頭白馬生

角乃可丹仰而歎身即頭白俯而歎馬生角

秦主不得已而遣之為機發之橋欲陷丹丹

驅馳過之而橋不發道到關關門不開丹為

雞鳴於是眾雞悉鳴遂歸

詹何以獨繭絲為綸芒針為鈞荆篠為竿割粒

去新六佳  
荆荆大期  
雞鳴  
先日家其  
類玉骨

為餌引盈車之魚於百仞之淵汨流之中綸  
不絕鈞不申竿不撓

薛譚學謳於秦青未窮青之旨於一日遂辭歸

秦青乃餞於郊衢撫節悲歌聲震林木響過

行雲薛譚乃謝求返終身不敢言歸秦青顧

謂其友曰昔韓娥東之齊遺糧過雍門鬻歌

假食而去餘響遶梁三日不絕左右以其人

弗去過逆旅凡人辱之韓娥因曼聲哀哭一

里老幼喜歡抃舞弗能自禁乃厚賂而遣之

故雍門人至今善歌哭效娥之遺聲也

趙襄子率徒十萬狩於中山藉芳燔林扇赫百里有久從石壁中出隨煙上下若無所之經涉者襄子以為物徐察之乃人也問其奚道而處石奚道而入火其人曰奚物為火其人曰不知也魏文侯聞之問於子夏曰彼何人哉子夏曰以商所聞於夫子和者同於物物無得而傷閱者遊金石之間及蹈於水火皆可也文侯曰吾子奚不為之子夏曰刳心知智商未能也雖試語之而即暇矣文侯曰夫子奚不為之子夏曰夫子能而不為之侯不悅

更羸謂魏王曰臣能射為虛發而下鳥王曰然可於此乎曰聞有鳥從東來羸虛發而下之也澹臺子羽溺水死欲葬之滅明曰此命也與螻蟻何親與魚鼈何讎遂使葬  
列傳云聶政刺韓相白虹為之貫日要離刺慶忌彗星襲月專諸刺吳王僚鷹擊殿上  
齊桓公出因與管仲故道自燉煌西涉流沙往外國沙石千餘里中無水時則有沃流處人莫能知皆乘駱駝駱駝知水脉遇其處輒停不肯行以足蹋地人於其蹋處掘之輒得水

楚熊渠子夜行射窮石以為伏虎矢為沒羽  
漢武帝好仙道祭祀名山大澤以求神仙之道  
時西王母遣使乘白鹿告帝當來乃供帳九  
華殿以待之七月七日夜漏七刻王母乘紫  
雲車而至於殿西南面東向頭上戴七種青  
氣鬱鬱如雲有三青鳥如鳥大使侍母旁時  
設九微燈帝東面西向王母索七桃大如彈  
丸以五枚與帝母食二枚帝食桃輒以核著  
膝前母曰取此核將何為帝曰此桃甘美欲  
種之母笑曰此桃三千年一生實唯帝與母

對坐其從者皆不得進時東方朔竊從殿南  
廟朱鳥牖中窺母母顧之謂帝曰此窺牖小  
兒嘗三來盜吾此桃帝乃大恠之由此世人  
謂方朔神仙也

君山有道與吳包山潛通上有美酒數斗得飲  
者不死漢武帝齋七日遣男女數十人至君  
山得酒欲飲之東方朔曰臣識此酒請覘之  
因一飲致盡帝欲殺之朔乃曰殺朔若死此  
為不驗以其有驗殺亦不死乃赦之

博物志卷第八

博物志卷之九

晉

司空

張華茂先撰

汝南

周日用等注

○雜說上

老子云萬民皆付西王母唯王聖人真人仙人  
道人之命上屬九天君耳

黃帝治天下百年而死民畏其神百年以其數  
百年故曰黃帝三百年上古男三十而妻女  
二十而嫁曾子曰弟子不學古知之矣貧者  
不勝其憂富者不勝其樂

史記一五帝本紀註  
陰雜上

昔西夏仁而去兵城郭不修武士無位唐伐之  
西夏云昔者玄都賢鬼神道廢人事其謀臣不  
用龜策是從忠臣無祿神巫用國

榆州氏之君孤而無使曲次進伐之以亡  
昔有巢氏有臣而貴任之專國主斷已而奪之  
臣怒而生變有巢以民昔者清陽疆力貴美  
女不治國而亡

昔有洛氏宮室無常園池廣大人民困匱適伐  
之有洛以亡

神仙傳曰說上據辰為尾宿歲星降為東方朔

傳說死後有此宿東方生無歲星

曾子曰好我者知吾美矣惡我者知吾惡矣

思士不妻而感思女不夫而孕右稷生乎巨跡

伊尹生乎空桑

箕子居朝鮮其後燕伐之朝鮮亡入海為鮮國

師兩妻黑色珥兩青蛇盖勾芒也

漢興多瑞應至武帝之世特甚麟鳳數見王莽

時郡國多稱瑞應歲歲相尋皆由順時之欲

承旨求媚多無實應乃使人猜疑

子胥伐楚燔其府庫破其九龍之鍾

著一千歲而三百莖其本以老故知吉凶著末  
大於本為上吉莖必沐浴齋潔食香每月望  
浴著必五浴之浴龜亦然明夷曰昔夏后莖  
乘飛龍而登于天而牧占四華陶陶曰吉昔  
夏啓莖徙九鼎啓果徙之

昔舜莖登天為神牧占有黃龍神曰不吉武王  
伐殷而牧占著老著老曰吉桀莖伐唐而牧  
占熒惑曰不吉昔鮫莖注洪水而牧占大明  
曰不吉有初無後

著末大於本為卜吉次蒿次荆皆如是龜著日昏

月望浴之

水石之恠為龍罔象木之恠為躩魍魎土之恠  
為犢羊火之恠為宋無忌

鬪戰死亡之虞其人馬血積年化為磷磷著地  
及草木如露略不可見行人或有觸者著人  
體便有光拂拭便分散無數愈甚有細咤聲  
如炒豆唯靜住良久乃滅後其人忽忽如失  
魏經曰乃差今人梳頭脫著衣時有隨梳解  
結有光者亦有咤聲

風山之首方高三百里風光如電突深三十里

博物志卷之九

春風自此而出也何以知還風也假令東風雲反從西來洗洗而疾此不旋踵立西風矣所以然者諸風皆從上下或薄於雲雲行疾下雖有微風不能勝上上風來到反矣春秋書鼯鼠食郊牛牛死鼠之類最小者食物當時不覺痛世傳云亦食人項肥厚皮處亦不覺或名甘鼠俗人諱此所嚙衰病之徵也鼠食巴豆三年重三十斤

博物志卷之十

晉司空張華茂先撰  
汝南周日用等注

雜說下

婦人妊娠未滿三月著婚衣冠平旦左邁井三匝映詳影而去勿反顧勿令人知見必生男周日用曰知女則可依法或先男是男如何余聞有定法定母年日月與受胎時日筭之過奇則為男過偶則為女知為女復即可依法婦人妊身不欲令見醜惡物異類鳥獸食當避其異常味不欲令見熊羆虎豹御及鳥射射

雉食牛心白犬肉鯉魚頭席不正不坐割不正不食聽誦詩書諷詠之音不聽淫聲不視邪色以此產子必賢明端正壽考所謂父母胎教之法盧氏曰子之得清祀滋液則生仁也故古者婦人妊娠必慎所感感於善則善感於惡則惡矣妊娠者不可啖兔肉又不可見兔令兒唇缺又不可啖生薑令兒多指

異談云瞽叟夫婦凶頑而生舜叔梁紇淫夫也紇在失行也加又野合而生仲尼焉其在有胎教也盧氏曰夫甲寅午中生者則然矣亦由歲德在甲寅午中生者則然矣亦由

先生也亦由父母陰濁故無聖人也

豫章郡衣冠人有數婦暴面于道尋道爭分銖

以給其夫與馬衣資及舉孝廉更取富者一切皆給先者雖有數年之勤婦子滿堂堂猶放黜以避後人

諸遠方山郡幽僻處出蜜蠅人往往以桶聚蜂每年一取

遠方諸山蜜蠅處以木為器中開小孔以蜜蠅塗器內外今遍春月蜂將生育時捕取三兩頭著器中蜂飛去尋將伴來經日漸益遂持



器歸

人藉帶眠者則夢蛇  
烏啣人之髮夢飛

王恭張衡馬均昔冒重霧行一人無恙一人病  
一人死問其故無恙人曰我飲酒病者食死  
者空腹

人以冷水水自漬至膝可頓啖數十枚瓜漬至  
腰啖轉多至頸可啖百餘枚所漬水皆作瓜  
氣味此事未試人中酒不鮮治之以湯自漬  
即愈湯亦作酒氣味也

昔劉玄石於中山酒家酤酒酒家與千日酒忘  
言其節度歸至家當醉而家人不知以為死  
也權葬之酒家計千日滿乃憶玄石前來酤  
酒醉向醒耳往視之云玄石亡來三年已葬  
於是開棺醉始醒俗云玄石飲酒一醉千日  
舊說云天河與海通近世有人看海渚者年年  
八月有浮槎去來不失期人有奇志立飛閣  
於查上多齎糧乘槎而去十餘日中猶觀星  
月日辰自後杳茫忽忽亦不覺晝夜去一餘  
日奄至一處有城郭狀屋舍甚嚴遙望口中

多織婦見一丈夫牽牛渚次飲之牽牛人乃  
驚問曰何由至此此人具說來意并問此是  
何處答曰君還至蜀郡訪嚴君平則知之竟  
不上岸因還如期後至蜀問君平曰某年月  
日有客星犯牽牛宿計年月正是此人到天  
河時也

人有山行墮深澗者無出路飢餓欲死左右見  
龜蛇甚多朝暮引頸向東方人因伏地學之  
遂不飢體殊輕便能登巖岸經數年後鍊身  
舉臂遂超出澗上即得還家顏色悅懌頗更

黠慧勝故還食穀啖滋味百餘日中復本質  
天門郡有幽山峻谷而其上人有從下經過者  
忽然踊出林表狀如飛仙遂絕迹年中如此  
甚數遂名此處為仙谷有樂道好事者入此  
谷中洗沐以求飛仙往往得去有長意思人  
疑必以妖怪乃以大石自墜牽一犬入谷中  
犬復飛去其人還告鄉里募數十人執杖攜  
山草伐木至山頂觀之遙見一物長數十丈  
其高隱入耳如鞞箕格射刺殺之所吞人骨  
積此左右有成封隣開口廣丈餘前後失人

皆此蟒氣所喻止於是此地遂安穩無患

博物志卷之十

張茂先嘗采歷代四方奇物異事著博物志四百晉武帝以其太繁俾刪為十卷今所傳本是也茂先讀書二十車其辨龍鮓識劍氣人以為博學所致是書固君子之不可廢與第未知武帝之俾刪者何說而所存止於是也夫覆載之間何所不有人以耳目之不接一切疑之而不信非也論語記子不語怪固未嘗無也聖人特不語以示人耳予同年賀君志同為衢州推官寶愛是書刻梓以傳夫仕與學一道

君之好古若是推之於政殆必有過人者而不俟予之言也

弘治乙丑春二月工部主事姑蘇都穆記

博物志終

